

ramtharchanchinbu@gmail.com

Estd : 1984

RAMTHAR (Mission)



January 2011



Khawii thleng nge i zui dawn16

Editorial Board 2010

Editor	:	Upa Zoramthanga	9436362385 (M)
Joint Editors	:	Upa R. Lalmalsāwma	9436154179 (M)
		Upa Lalhriata	9863226630 (M)
News Editor	:	Pu Lalbiakênga Fânai	9436366234 (M)
Manager	:	NI. H. Lalngûrliani	9774390980 (M)
Publisher	:	Rev. Lalchuanmawia	2325899(O)

Member-te

Rev. C.Lalsangliana	Synod Moderator
Rev. PC Pachhunga	Synod Secretary (Sr.)
Rev. Lalzuithanga	Executive Secretary i/c Mission
Rev. K. Lalhmuchhuaka	BEC member
Upa C. Malsawmkima	BEC member

lak Ham Bhat 45.00

- * A bu la duh leh a man pe duh chuan NI. H. Lalngûrliani, Manager, Ramthar, Synod Office, Aizâwl-796001 hriattir tûr.
- * Ramthar chanchinbua thu chhuahte hi a ziaktu mawhphurhna a ni.
- * Thu chhuah tûr chu phêk lehlam chauhva ziakin Editor, Ramthar, Synod Office, Aizâwl-796001, Mizoram, India hnênah thawn tûr.

A CHHUNGA THU AWMTE

1. Editorial	3
2. Keimahni	4
3. Chanchin lawrkhawm	5
4. <i>Buhmun aţangin</i>	
1) Tripura Mission Field-an Thlarau Thianghlim hnathawh	8
2) Hmangaih mittui nen	12
3) Delhi khawpuiah Presbyterian inkhawmpui	14
5. <i>Sermon</i> : Khawi thlengin nge i zui dawn?	17
6. Hriattirna	18
7. Pune-a kan rawngbawlna	19
8. Ram lak tur lah chu a la tam mai si a	22
9. Synod Ramthar Hostel-a lût turte tana hriat turte	25
10. Transfer & Posting mak !!!	27
11. Ramthar Field tlawh report	29
12. Rawngbawl nana thilpek petute	

Editor thuchang

Lei mite hunbi chhiara kumthar hun lawmawm tak mai chu Pathian zahngaihna avangin kan thleng leh ta reng mai. Ramthar Chanchinbu chhiara min hlutsak thinte, thuchhuah tûr tha tak tak rawn buatsaih thinte, mahni in lum kalsana Krista tâna martar huama rawngbawl mêktu leh Pathian Kohhranho - thisena a leite, Ramthar chanchinbu Editorial Board hmingin kumthar chibai kan bûk a che u.

Kum 2010 chhung khan a chhan chi hrang hrang avangin mi ropui leh hmingthang - ram hruaitute, Pastor leh rawngbawltu engemaw zâtte chuan an rawngbawl hna pawimawh takte chhonzawm ve thei tawh lovin, chatuana hahchâwl tawh tûrin ropuina ramah min hawsan ta a. A rawng an bawlsak Lal Isua hova an hlim tûrzia hre reng mah ila, khua an tihar hle thung mai. Khawvelah hnathawh hmabâk tam tak la nei mah se, an lo kir leh tawh lovang.

Kan fel bîk vang leh kan thiam bîk vang ni hauh lova kum 2011 kumthar min hruai thlengtu hian keimahnî theuhah duh leh beisei a nei ngei ang. Leilunga thilsiam tinrêng - rannung mawl tak tak leh thing leh maute lam hian a siamtu siam chhan tihlawhtlinga amah an chawimawi si chuan, thilsiam ropui ber mihringte'n a lakah kan bat chu a va sang lehzual dawn êm!

Khawvelah, India leh Mizoram State chhungah ngei pawh suauna rapthlâk tak tak kum danga kan la tawn ngai loh hriattûr a va tam êm! Khawvela Pathian ram din tûr hian kum hmasa aia nasa z^{awka} \awng\ai leh thiltiha kan \an lehzual a \ul hle mai. *“Lalpa, kum 2011 kumthar min hruai thlengtu, he kumtharah hiam keimah hmangin i ram tizau la, i ram tâna nasa z^{awka} ka tangkai ve dân tûr min hriattir la, i tân ka rawn inpe e,”* tiin Pathian hnenah a tharin i inhlan theuh ang u. Mihring thinlunga Pathian Ram din hi Lal Isua rawngbawlna ropui ber a ni e.

Keimahni

1. OHM MEETING: November 20, 2010 (Inrinni)-a Office Hotute Meeting chuan thu tam rak an rel zingah - 1) Missionary Retreat, a ram bial (**region**) anga then chungchangah BEC-in OHM kuta a lo dah tawh angin then thum - Central India, North East India leh Home Mission tân a hran theuhva hun hrang hranga retreat tûra ruahmanna siam chungchang leh a hun tûr chu Field lam remchan dan tûr ngaihtuah chungah la sawi ho leh tûra tih te, (2) CRWM hotu Jeffrey Bos-in MTC-a zirtirtu tûr volunteer kan la mamawh em tih min zawh chu Volunteer worker an awm theih chuan kan la duh reng tih hriattir ni se tih te, (3) Chakma Bible Translation Project chungchangah Rev. Dr. Zaihmingthanga, Associate Director (Translation)-in SMB lehkha chhângah hma lâk dan tûr a rawn rawtte BEC-a thlen chungchang te, (4) Home Mission School-a Class VIII hawn chungchang BEC-in Office bawhzui tûra a lo dah tawh chu Supervisors of Schools-in a lo bawhzui tûra tih thu te leh (5) Kan Manual leh Synod Pem Hruaina Dan inan loh avangin, lo ruahman tha tûra BEC-in Office lam kuta a dah chungchangah SEC-in enñhat tûra Synod-a a thlen mêk chu ngaihchân rih ni se tih te a tel.

2. Contract Missionary la thar: Kum 2011-a thawk tûrin SMB chuan contract missionary 56 a la thar a. A hmaa lo thawksa 330-te nen contract missionary 386 lai kan nei ta a ni.

3. Missionary châwm zât: November, 2010 thlenga Kohhranhote'n missionary kan châwm zât chu mi 8377 an tling ta. Chawmtu Kohhran zât - 520. Chawmtu Bial KTP zât - 109. Chawmtu Bial Kohhran Hmeichhe zât - 110. Chawmtu Bial zât - 64.

4. An chhuah hun thleng tate: Rinawm taka Synod Mission Board hnuaia an rawngbawl hna hlen a, kumin 2011-a an chhuah hun thleng tate chu -

1. Upa Lalthlengliana, Lecturer, MTC, Aizawl.

2. Pu Vanlalbela, Peon, Headquarters Office, Aizawl.

3. Pu P.C Ramtiana, Evan. Teacher, H/M South

4. Pu Lalthansanga, Evangelist, H/M North

5. Pu Ramnunthara,
Evangelist, Assam Field.

6. Pu H.C
Neihliankhupa, Evan. Teacher,
H/M South

7. Upa Lalthlamuana,
Evangelist, H/M North

8. Pu H.Liankipala,
Evangelist, Cachar Tlangram.

5. Thawktu thar : Kum 2011-a
Ramthar chanchinbu Circulation
Manager Nl. H.Lalngurliani
nen thawk dun tûrin Pu T.
Zachhunga, Director, MDTC
chu dah thar a ni tabawk.

6. BEC wawi 513-na: November
30, 2010 (Thawhtanni) zing dar
7:00 aţangin zanlai dar 12:25
thlengin a thu a. Transafer &
Posting chungchang ngaihtuahin
an hah thin hle. Thu chi hrang
hrang an rel zingah Santali leh
English-a Inneih Certificate
siam SEC-in a phalsak chu
Office lamin lo bawhzui a, BEC-
a thlen leh tûra tih te, Manipur
Area hnuaia Meitei ţawng
hmang Chingmei Mission Field
leh a thawktute Synod Mission
Board-in lâk tûra SEC-in a lo rel
chu Office lamin thawktute leh
Bial dinhmun te lo zirchiangin
Pastoral Committee-ah pawh a

ţul anga lo thlen mai tûra tih te
tel.

He committee-a Board
Secretary report zingah - Masihi
Sangati Kendra Director atan
Ordained Minister ngei dah tha
hriain Pastoral Committee-ah
thlen a nih thu te, SEC-ah Per-
manent Post 75 an dil chu kum
2004-2005-a lo thawkte zinga
mite 37 tan phalsak an nih thu te
a tel.

CHANCHIN LAWRKHAWM

**1. Laos ramah
Kristiante an ch p:** Laos chhim
lama Katin khuua Kristian
chhungkaw parukte chu he khuua
thuneitute chuan an ko khawm a;
an rinna an bansan theih loh
chuan an khuua chhuahsan t ra
inpeih reng t rin an vau a ni.

Nikum January thla khan
Kristian chhungkaw 11 (an vaiin
mi 48)-te chu silaia tin chungin
khuua aţangin an lo hnawtchhuak
tawh a. Mahse, mak tak maiin
heng chhungkaw 11 an
hnawhchhuah hnu lawk hian
chhungkaw pahnih chuan an
dinhmun a him lohzia hre reng
chungin Kristian-ah an inlet ve

flat mai a. An khaw thuneitute chuan he mite hi an khuua awmzui zel phalsak mahse midang an biak leh an zinga khawsak an khapsak avangin chênna, in leh lo leh ni tin khawsak phungah harsatna an tâwk nasa hle a. An fate'n sikul an kal theih loh phah a, pakhat pheih chu kawṭhalo avangin a thi nghe nghe a ni.

Laos ram hi Myanmar leh China inkara awm, sq. km. 85,000-a zau, mihring maktaduai 6.4 zet chenna a ni a; Buddhist sakhaw zuitu tamna a ni. Kristian, Muslim leh an pi-pute sakhua bia tlem an awm ve a ni.

-Compass Direct News

2.Indonesia-ah Biak In sak dodal a ni: Indonesia rama Islam intelkhawm pawl chuan West Java Province-a Bekasi khuua Cikarang hmuna Biak In sak an tum chu nasa taka dodalin an campiagn mêk a. Bekasi khuua chu Kristian thurin leh zirtirna bâkah he rama Kristian sakhua darhna hmunpui a nih an hlauh vanga dodal an ni tih Bekasi Islamic Youth Movement hruaitu, Adang Permana chuan

a sawi.

Adang Permana chuan, “He Biak In hi sak a nih chuan Muslim tam tak rinna a tiderthâwng ang a, Muslim-ho rinna tirâlkhêltu a ni ngei dawn tih kan hriat lâwk avangin Biak In sak hi phalsak an nih kan hlau a ni. Bekasi-a Kristian Biak In dang zawng zawng pawh hi thiat vek ni se kan duh a. Tun hma chanchin nena chhui pawhin Bekasi khuua hi Islam sakhua nen then hran theih a ni lo,” a ti bawk.Indonesia ram Kristian hruaitute chuan he ram khawi laiah pawh Biak In sak dawnin dodalna an tawh ziah thu leh kum 2009 aṭanga a zual tâk thu an sawi.

-Christian Today

3.Kristian leh Muslim hruaitute inkawm:

Bangladesh rama Kristian hruaitute leh Muslim hruaitute chu thla hmasa khan an khawpui Dhaka-a *Koran Research Centre*-ah an inkâra remna a awm theih nan leh lungrual leh inngeih taka an awm ho theih nan *Leadership in pluralistic society from the Muslim and Christian points of view* tih thupui

hmangin an hruaitu 50 chuang ve ve bâkah sakhaw pahnih zuitu thahnem tak te chu an inkawm ho a ni. Kristian hruaitu zingah hian Rev. Paul Sishir Sarkar, Moderator of CWM-member Church of Bangladesh pawh a tel.

Hetah hian sakhaw pahnih hruaitute chuan an sakhua in mi dang hmangaih tûra an zirtirna ve ve chu a taka hman a thul thu bâkah sakhaw pahnihte chu an sakhaw kalphung hrim hrim pawh thûk zâwka inhriatsak tawn a thul an tih thu te an sawi a ni

-CWM News

4. China ram Bible indaih thei lo: China ramah ni tin Bible mamawhna a sân zêl avangin an sawrkar phalna neia Bible chhutu awm chhun **Amity Printing Co.** chuan an rama Kristiante'n duh thâla an lei tûr Bible a chhu daih sêng lo.

Amity Printing Co., China ram khawpui pakhat Nanjing chhak lama kum 1988-a din hian Bible maktaduai 80 vel an chhu tawh a. Nikum November thla aţang khan thla tin maktaduai khat an chhu thin naa

Kristiante'n Bible an mamawhna a phuhrûk zo lo hle a ni.

Amity Printing Co. chairman, Zhonghui Qiu chuan, "China ramah Bible kan chhu thei leh heti zât Kristiante zingah sem darh a ni hi a lawmawm hrim hrim a; Kristian sakhaw lakah China ram a inhawn telh telhzia a tilang hlein ka hria. Kan mamawh ang kan chhu daih hlei thei lo hi thil lawmawm lam zâwk a ni," tiin a sawi. Bible chhutna kawnga an thawhpui *United Bible Societies Asia* secretary David Thorne pawhin Bible chhut kawnga China sawrkar a inhawng thar zel chu lawmawm a tih thu a sawi ve baw.

China ramah hian ni tin Kristiana inpe an thathnem avang leh Kristian lo pawh Bible duh an tam avangin Bible hi an chhu daih hlei thei lo va. China ramah Kristian maktaduai 23 vel awm niin chhût a ni a, ni tin an pung zel baw.

-Christian Today

TRIPURA MISSION FIELD-A THLARAU THIANGHLIM HNATHAWH

Evan. Rohmingliana

Agartala, Tripura Mission Field

Tripura Mission Field-a Thlarau Thianghlim hnathawh tunlaia lo lang thar hi a lawmawmin a ropui êm a. He chanchin, in rawngbawlna rah Pathianin a puan chhuah mêk hi hi Ramthar rawngbawl hna thawka tha leh tui, sum leh pai sêng mêktu Kohhranhote'n in lo hriat atan leh in hmuh ve atan pawh kan duh hle

a. Chuvangin ãawngkam thiam lo leh hmuh leh hriat ang pawh sawi chhuak thiam lo chungin ka han ziaik ve a ni. Ka duh ber chu Kohhranhote hnathawh leh ãawngtaina Lalpa'n mal a sawm hi a lawmawm êm mai a; ãawngtai chung a thawk zui zelin, Pathian hnenah lawmthu sawi ho zel ang u tih hi a ni.

1. Pati Chori Kohhran :

Pati Chori Kohhran hi Karbook Biala Kohhran pakhat, Upa pahnih nei an ni a. Kohhran chak tak an ni lêm lova, an Upate pawh eng emaw vâng mai maia inbe hlei thei lo leh inrem lo tak an ni. An member pakhat Kusumla Tripura chu Kristiannaah lungawi lovin Hindu sakhuaa Soinasi (Puithiam sam zuah chi) ni tûrin an tih dan ãhin angin thla khat chaw ngheia inserh tûrin a

in leh lo a chhuahsan a, puithiam hna chu a zir ta a. Hetianga chawlhkar khat a hman hnu ni 24.9.2010-ah chuan a fanu Laxmi Rani Tripura (14), 'Lobia' tia koh chu tlai khat dar 7:00 pm-a a ãhianten an zai ho laiin taksa chêt'nain a rawn man a, a lu-ah Hlinglukhuma chhun kual angin namênlovin a na a, a kut leh ke te perek khenna ang chiah zelin, a nâkah chhunna ang chiah zelin a awm a. An Hostel Warden leh Teacher-te an hrihl a, tihngaihna an hre bik si lo; doctor hnenah an kalpui ta ringawt a. Doctor chuan lo *check up-in, investigation* zawng zawng an tih hnuah pawh engmah hmuh chhuah an nei si lo. Doctor beidawng chuan Pastor hnena kalpui mai tûrin a rawn a; khawvel thiamna chu a tâwp ta. Pastor chu kovin Biak

Inah an ʔawngʔai ta ringawt mai a. Ni-khua a rawn hriat hnu chuan ni sarìh leh zan sarìh chaw ngheia ʔawngʔai ʔul tiin a nghei ʔan ta nghal a. Hemi ni aʔang hian a ʔawng thei lo nghal ta bawk a. A chaw nghei aʔanga ni sarìh ni tlai dar thumah Rev. C. Zorammawia, F/S hovin amah kan va hmu a, chau hmel leh damlo hmel a pu hauh lo. Zan dar sarìh hnuah chaw a ei theih tûr thu min hrilh a. F/S-in thuchah tawi sawiin kan ʔawngʔairual a, kan ʔinsan ta a ni.

Hun a lo kal zel a, S. Tripura Presbytery inkhawmpui (Dt. 14-17.11.2010) Karbook Kohhrana neihah chuan an lo kal ve leh a, a la ʔawng thei chuang lo. Inkhawmpui ʔiak dawn zan inkhawm ban zaikhawm ʔan dawn lai chuan a hmaa a nat ang bawkin a na leh a. ʔawngʔairualna neih zawh hnu chuan rawn harh ve lehin a rawn lâw ve leh thei a; hlim takin Kokborok ʔawngin, “Aw, Thlarau Thianghlim lo kal la,” tih hla kan sak laiin ‘Hallelui’ pein a rawn ʔawng chhuah ve thei ta a. Dar 12:00 hnuah kan bâng a. Thlarau Thianghlim pawlna

vângin bâw hnuah pawh ʔin hlei thei lo eng emaw zât an awm avangin an awm hnufual a. Biak In tual zaikhawmna hmun kalsanin Pastor Quarters lamah hla sa leh thu hrilin hun hman leh a ni. He naupang Lobi hian thu puan tûr a ngah hle a, “Kei hi Kawng leh Thutak leh Nunna chu ka ni,” tih te, “Kawngka zimah chuan lût rawh u,” tih te, “Sim rawh u,” tihte sawiin a khat liam hle a ni. Zinglam dar 2:00 hnu-ah kan mu thei ta hrâm a ni.

2. Burburia Bial : Burburia-a Hermon English Medium zirlai kan thawktu fate an ʔthianhova chhun chawlh laia an zai ho laiin Thlarau Thianghlim hnathawh a rawn thleng thut mai a. Taksa chêtna an chang a, ʔawngʔaia ngaihdam dilin ‘Hallelui’ an pe a , an ri ta bual bual mai a. Chutia Thlarau Thianghlim hnathawh an chan mêk lai chuan an ʔthian ʔhenkhat Hindu naupangte chuan an lo thlir reng a; mak deuh maiin anni pawh chu a nuai tel ve ta vek mai a ni. Taksa chêtna an han chang ve chu la hre ngai lo tân chuan manganthlâk tak a ni. Zirtirtute’n Class room-ah hruai lûtin an ʔawngʔaisak a; Pathian

fak hla sain hun an hmang chho ta a ni. Taksa chêtna a lo ziaawm hnu chuan haw tûrin an inthlah liam ta a. Mahse, mahni in an pan mêk laite chuan an taksa chêtna chan chu a lo chhuak leh a. In lama an nu leh pate chuan hre thiam lovin an manganpui a, an buai ta hle mai a. Thi mai tûrah te ngaiin an thin a rim ta êm êm a, Kristian huatin an haw ta. Dawi ât nia ngai an awm bawk nen. Thenkhat lahin tuia leiha reh mai thei tûrah te ngaiin an inleih thûl; vuakah te vauin an lo invaw bawk nen. Sim tûrin an inhrilh, an duh thua sim thei an ni bawk si lo, manganthlâk tak a ni.

A rah chhuahte :

Jamatia roreltute an meeting a, kan Missioanry-te ûm chhuah duhna hial an nei a. Sikul-a tih tûr leh tih loh tûr dante siam chawpin harsatna an siam a. An demand-te chu:-

1) Sikul-ah class neih chhungin Pathian thu zirtir loh tûr.

2) Evangelist-te Pathian thu sawia rawih loh tûr.

3) Zirlai nu leh pa (Guardian)-te'n sikul tawh (visit) ve thin rawh se.

4) Sikul-ah India hnam hla (Janagana mana) ni tin saktir ni se. Republic Day leh Independence Day hman thin ni rawh se.

5) Sikul Managing Committee-ah ringlo mi pathum telh ve thin ni rawh se.

6) Kristian-te ring tak taka tawngtai leh Halleui thin hi tih tawh loh ni rawh se.

Heng point parukte hi Magistrate-ah thlenin leh Police lamah pawh a copy pein min hêk a. Heng an thil tihte hi kan hriat velehan tih dik loh hi Magistrate-ah kan theh lût ve nghal a. Ni 11.11.2010 khan Magistrate chuan Jamatia Hoda-ho leh keini chu Peace Committee nei tûrin kohna a siam a; mi 5 ve ve min ko lût a. Magistrate chuan case siamtute chu an harsatnate a zâwt nghal char char a. An point kan târlan bâkah hian helhote nen tangruala force-a bei thinah min puh a, an pathian sawi chhia leh an sakhua sawi chhiaa zah lovah min puh bawk a; chak ngei tumin an theihna zawng zawngin an

tang a ni ber mai.

Magistrate chuan keini lam min han zâwt ve leh a; harsatna dang kan neih lêm loh thu hrilh pahin an mi hêkna hi a dik lo a ni tih kan hrilh bawk a. National Anthem leh Republic Day leh Independence Day kan hman thu te Head Teacher-in sawiin, Janagana mana hla an thiam thu leh kâr khatah tum hnih kan sakpui thin thu te kan sawi lang a. Kan sikul dinhmun te min zawhna sawi fiahin private a nihzia te an hriat chian hnu chuan leh lamho hnenah chuan, “Sorkar sikul a ni lo va, tin, anmahni sum sêngin khawtlang develop hna an thawk a, an kal dan hi a tha e,” tiin a hrilh ta a. Sikul lama min hêkna zawng zawng chu *cancel* a ni ta. Tin, sikul an neih ve thu te an sawi lang a. Chu sikul chu tha taka kalpui tûrin a fuih nghal a. Tichuan sikul lamah chuan min inthathentir chu a ni ta mai a

Ring taka kan tawngtai thin chungchang kan sawi fiah leh a. Thlarau Thianghlim hnathawh dante hrilhin kan control theih a nih lozia te, Thlarau chêt dan ang anga lâm leh che an nih dan te kan sawi lang vek

a. Rin aiin an hre thiam ve viau zel a ni. A tâwpa a khaikhawm dan chu:-

1) Tawngtai rin lutuk insum deuh tûr.

2) An inah Chancin Tha hril dawn chuan chhungkhat pa ber phalna lâk phawt tûr.

3) Kan hrilh duh chuan Biak Ina kal tûra sawm mai tûr.

4) Khuaah programme neih dawnin Hoda-te phalna lâk phawt tûr

tih te a ni. Heng khaikhawmnaah hian tawngtai rin leh Hallelui pêk tih loh hi chu kan kal dan pangngai vek a ni.

SDM hmaah Jamatia hruaitu, Setana hmanruate tlâwm hmél, ngui ruaia an chhuak hnu hnu mai chuan khawngaih thla an la hle mai. Kan thiante, pawn lama min lo nghâktute chuan anrawn tap chhuak ni mai hian an lo hmu a ni.

3. Khumulwng Bial :
Kum 2010 Khumulwng Pastor Bial inkhawmpuiin a lo rel, Mizoram Synod rawngbawl na pêng hrang hrang leh kan Kohhran hmun pawimawh

thenkhatte mit ngeia an hmuh ve theih nan Bial chhung kohhran member-te excursion neihpui ni se tih chu F/S remruatna leh SMB phalnain, Tuikual Pastor Bial chuan min *sponsor* a, ni 22-26.9.2010 chhung khan kan Bial chhung kohhran 16 aṭangin member 24-te chu thawktu 2-te'n

hruaiin Kohhran hmun pawimawhte tlawhpui an ni. Mizorama la kal ngai lo vek an ni a; Mizoram mawizia leh kan Aizawl khawpui ropuiziate chu hahîpin an sawi bâng thei lo a ni ber mai. Thenkhat phei chuan Vanram nen an tehkhin vel. (*Chhunzawm leh tûr*)

HMANGAIH MITTUI NEN

*R. Lalropuia, Office Assistant,
Synod Office, Lunglei*

Dt. 28-31 Oct. 2010 khan Chhim Bial Chakma Camping Zawlpuih kan nei a. Camping chungchang târlan hmain Chhim Bial lama kan rawngbawlna chanchin tlêm lo târlang ila. SMB-in 1986 aṭangin hma a la ṭan a. Pathian zarah hma kan sawn nasa hle mai. Pastor Bial 18, Kohhran Puitling 100, Branch Church 30 leh Kohhran member 17,587 lai kan awm ta. Presbytery pawh pathum lai kan nei ve ta der mai. Thawktu pawh 225 lai kan tling ve ta. Kohhranhote ṭawngṭaina avangin kumin January - October thlengin ringthar 468 lai kan nei tawh a ni.

Chhim lamah hian ringlo an tam avangin Chakma Mission hi tihchangtlun zel a ni a. School leh Gospel Team te hmanga rawng kan bawl bâkah Chawngte 'C'-ah Tailoring Training Centre hawn thar a ni a, zirlai 10 an awm a; stipend pe lovin zirlaite hian an zir zawhah puanṭhui khawl dawng tûra ruahmanna siam a ni.

Chakma zinga rawngbawlna leh thlarau bo manna hmanrue leh ringtharte tihhmasawn nan Chhim Bialah hian Chakma Camping/Convention neih ṭhin a ni a. Tun ṭum hi a vawi 6-na a ni tawh a ni. Puipate:

Director : Rev. R.Lalrinmawia
i/c Zawlpui Pastorate

Speaker : Pu Maya Ronjon
(Chakma), Member, B/C Gospel Team

Secretary : Pu T. Vanlalruata,
E/T, Zawlpui

Manager : Pu R.L. Zabiaka,
E/T, Zawlpui

Kum dangah hian Camper 200-300 vel an lo kal tlangpui a. Kumin hian mi 487 lai mai Pathianin min pe a. Heng mite hi khaw hrang hrang 24, kilkhawr leh hla tak tak aṭanga te, Mizoram chhim tâwp Parva aṭang te pawhin an lo kal a ni. Kan beisei aia ṭhahnem an lo kal avangin kan budget pawhin a daih lo hle. Mahse Pathian khawngaihna avangin ringlo mi 59 aṭangin mi 38 laiin Baptisma an chang a ni. Lalpa chu fakin awm rawh se!

Rilru khawih zual deuh deuh te:

Chakmate, rilru leh tih tak zeta Pathian fak leh lâma lâmtuala an thal pheng phung mai chuan rilru a khawih hle mai. Taksa chētna an chang a, ṭawngṭai rual pawhin an tâwp hlei thei lo. Mittui tla satliah

pawh ni mai lo, ṭap zawih zawihin Pathian an au va. Naupanghote ṭap chungin an ṭawngṭai a; Kristian la ni ve lote tân an dilsak chu a ropui hle mai.

Chakma putar pakhat chu, “Nuam i ti em?” an han tih chuan, “E, a nuam lutuk. Hetianga nuam hi ka la tawng ngai rêng rêng lo. Nakumah khawiah nge kan tih leh dawn? Ka kal leh ngei ngei ang,” tiin a chhâng a ni.

Naupang kum 8 mi velin baptisma a chang chuan rilru a dek hle bawk. A pa hi Buddhist ruh tak a ni a, a nupui inkhawm pawh chema sahaṭ te a vau ṭhin. A fapa hian a pa thu hmu miah lovin baptisma a chang a. “Engati nge i chan ve, i pa i hlau lo em ni?” tia an zawh chuan, “Hlau lo, Kristian nih ve ka duh alawm,” a ti mai. Pa pakhat chuan, “Hetiang hian min siamtu leh min hmangaihtu a awm tih ka la hre ngai lo rêng rêng,” a ti bawk.

Ṭawngṭai khawl lamah pawh Missionary-te’n an thawhnaa ringlote tân ṭap zawih zawiha an ṭawngṭai lai hmel te chu khawvelah hian a aia hmuhnawm leh rilru khawih a awm chuang dawn em ni aw tih mai tûr a ni.

A tâwp zana Rev. Dr. C. Chawngmingliana, A/S, thusawi chuan an rilru puthmang a khawih hle bawk. Chakma unaute hian Kristian sakhua hi Mizo sakhuaah an ngai tlat a. Mizote Kristian kan nih hma leh mingovin Chanchin Thamin hrilh vanga hma kan sawn thu te, Pathian hi inngahna tlâk leh rin ngam a nihzia te thiam takin a sawi a. Tin, hemi zan hian kan dawhsan (*stage*) chu

vawi 3 a rawn che dawt dawt a. Lirngching ti dawn ila, School leh Quarters dang a che si lo. Thlarau Thianghlim hnathawh ni ngei tûr a ni.

Kan Camping-ah hian kawng hrang hrangin hma kan sawn a. A kal tawhte an zawngchhang hle. A hlawhtlin theihna tûra tha leh tui, rilru leh ngaihtuahna sêngtu leh min tawngtaisaktu zawng zawngte hnenah lawmthu kan sawi a ni.

DELHI KHAWPUIAH PRESBYTERIAN INKHAWMPUI

Lalrammawia, New Delhi

A vawi thumna atân ni 31 October, 2010 (Pathianni) khan India ram khawpui ber Delhi-ah Delhi Mission Field chuan Presbyterian Church of India ‘Varsik Sammelan’ (Ringthar Inkhawmpui kan tih mai) chu All India Prayer Fellowship House, Chhatarpur, New Delhi-ah Pathian hruainain hlim tak leh khawpkham lo tak maiin kan hmang zo ve leh ta. Pu R. Lalchhanhima, Speaker hnen aţangin Inkhawmpui thupui **‘Isua: Kawng, Thutak leh Nunna’** (Jh 14:6) tih, s ‘Engvangin nge Isuan he thu hi min hrilh?’ tih leh ‘Isua hi Kawng, Thutak leh Nunna a ni takzet em?’ tih fiah fel leh ngaihnawm tak mai ngaihlthlâk a ni a. Ringthar a ngaihlthlathute aţangin hlâwkpuin an intihzia thu kan dawng hlawn a, a lawmawm hle.

Kan inkhawmpui hi rorel inkhawmpui a ni lo va, sermon thupui chawhma leh chawhnu-ah a awm a. Fellowship hrang hrang aţanga Pathian fakna hla an buatsaih

ngaihlthlâk a ni a, hun a awm loh avangin a huaisen zual deuh tih chauh loh chuan hla pakhat bâk sakna hun an nei thei lo chu, inkhawmpui kan khawpkham

lohzia tilangtu a ni. Chuvangin,
'Nakum chu Inrinni aţangin ţan
tawh ngei t  r a ni,' ti an tam hle,
a va lawmawm   m!

He inkhawmpui senso
en hian Delhi khawpui chhunga
thil tih a hautakzia,   wngkama
sawi kan hriat   thin hi, "A lo nih
hi," kan tih ngei a rinawm.
Inkhawmpui hmangtute kan
zavaiin 416 kan ni a,   l  nghril  ng
avanga chhungkuuaa kal thei ta lo
engemaw z  t an awm avangin
beisei erawh kan phak ta lo.

Sum dinhmun:

Hmuhna:

a) Field Budget :
Rs 50,000.00
b) SMB Addl :
Rs 50,000.00

c) Pu Lalh  mangaiha Sailo
: Rs 3,000.00

d) Dayal Bagh Mahila :
Rs 3,000.00

e) Sammelan thawhlawm
: Rs 2,576.00

Total Rs 1,08,576.00

Hmanna:

a) AIPF Accomodation charges
: Rs 6,500.00
b) Lunch
: Rs 29,000.00

c) Pandal
: Rs 33,000.00

d) South Delhi Bial Palai kalna
: Rs 10,116.00

e) North Delhi Bial Palai kalna
: Rs 25,398.00

f) Badges, etc :
Rs 2,005.00

g) Others
: Rs 3,072.00

Total Rs 1,09,090.00

KHAIKHAWMNA :

1. Hmuh zawng zawng :
Rs 1,08,576.00

2. Hman zawng zawng :
Rs 1,09,490.00

Sum deficit :

Rs 914.00

3rd VARSIK SAMMELAN THLIRLETNA

1. Budget chungchang: Kan
budget April, 2011-a hman t  ra
ngaih leh beisei Rs 80,000/-
chauh a nih avangin kan senso
en hian Sammelan neih lehna
t  r a daih dawn lo tih a Chiang
sa a. Engtin tak nakum Varsik
Sammelana hi hmuak thlang leh
ang i maw?

2. Sammelan hun rei zâwng:

Kan Sammelan hun hman hi kan kham lo tak meuh meuh a ni si a, a hun tirei ve deuhvin Inrinni aṭangin hmanṅ tawh ang ti dawn ila, senso lamah engtin nge tih zawhna lian pui a awm nghal a. Pathianin a fate tuihalna hriain kan mamawh min phuhrûksak êm ang chu maw?

3. Sammelan Organising

Committee: Sammelan kan neih leh tûr atan Organising Committee tun aia huap zau deuh hian siam ni se; a ram mite pawh tel ve ngei tawh se, a neitu an nih hriattir nan pawh a ṭha hlein a rinawm.

Thlirlêtna thu hla sawi tûr a tam thei âwm e. Kum 1988 aṭanga Mizoram Synod Mission Board-in hma a lo lâk tawhna ni mah se, rawngbawl dan ko kan thlâk thut si avangin tun hi kan thlen chin a la ni laih laih mai. A tir aṭanga kan Kohhran din tûr zâwnga hma lâk zawng ni se, tun ai hian hma kan sâwn tawh mah na! Ramthar rawngbawlnaah hian ‘A bul ṭan ṭhat chu a chanve zo’ tih thufing hi Kohhranho hian kan zir thar leh ṭhin a va ṭul êm! Delhi khawpuia kan ringtharte

huikhawm theihna tûr hmun nghet kan neih loh avanga mi hmun hawha, puanzâr (pandal) hnuaia inkhawmpui kan nei hian rualawhna thianghlimah min hruai lût lo thei lo zawng a ni. A ram mi kan mi leh sate’n kan rawngbawlnaah rin ngam leh innghahna tlâk hmuha mi an hmuh theih nan ‘Hmun nghet’ kan neih hi chu a la ṭul viau zel zawng a ni e.

He inkhawmpui hlawhtlinna tûra min ṭawngṭaisaktute leh a ṭul apiang min ngaihtuhsaktu SMB leh thilpêk min petu Dayal Bagh Mahila Fellowship leh Pu Lalhmangaiha Sailo, Zotlâng, Aizawl hnenah Krista hmingin lawmthu kan sawi e.

Sermon:

KHAWII THLENG NGE I ZUI DAWN?

(Matthaia 26:69-75; 27:55-56)

*Secretary,**Synod Mission Board*

Kan Lal Isua khawvela a len lai khan a zirtir sawm leh pahichte nen Pathian ram thu hrilin Palestina ram dung leh vang an fang thin a. Chanchintha hrilin, damlo te tidamin, ramhuaite hnawtchhuakin leh mitthite kaithovin hun an hmang thin. A thu ngaithlatu mi sang tam takte ei tûr pein mipuiin an zui nasa thin hle. Jerusalem-ah Lal anga a luh ni phei chuan mipui tam takin an puante Lalpa tan kawngah an phah a nih kha, hetih lai hi chuan Lal Isua zuitu nih chu chapopui khawpin a nuamin dinhmun sang tak a ni ngei ang. Mahse tuarna kawng an zawh tan meuh chuan a zirtirte zinga huaisen leh an hotu berte zinga mi Petera te ngei pawhin an phatsan tan ta a. Mahni kraws pua Golgotha kawng a han zawh takah chuan khawng a thuihhruaite kha an awm zawh tak le? Mathaia 27:55-ah chuan Lal Isua kraws-a athih lai chuan a bul hnaia awm an awm ta lo, “Chutah chuan hmeichhe tam tak, a rawngbawlsak chung zela Galili ram atanga Isua rawn zuitute chu an awm a, hla takah an thlir a,” tih kan hmu chauh mai. Khawiah nge a zirtir sawm leh pahnihte kha an awm tak? A lungchhiatthlak hle mai ti rawh u.

Vawiinah keini Lal Isua hnung zuitute pawh hi kan inen chian a pawimawh hle mai. A nuam leh tuar ngai lo china ringtu nih chu a nuam a ni, mahse amah kan rin avanga kan chan tûr leh kan tuar tur a awm hunah chuan Lal Isua hi kan phatsan leh mai thin ani lo maw? Lal Isua zui tur leh thih thlenga rinawm taka zui

tûra inpete hian, sum leh pai leh nihna/chanvo kan hmuh theihna tûr a nih chuan kan Lal Isua hi kan phatsan leh mai thin a ni em? Kristian inti vek sia eirûk leh diklohna kan ramah a tam êm êm ziate hi kan ngaihtuah ngai em? Kohhrana rawngbawltute pawh kan bang chuang lo a ni maw? Missionary nihte hi keini

ram te angah chuan miin min ngaisang a, a nuam kan ti thin, chumi avang chuan a ni em, missionary tuar tûr leh chan tûr lam ngaihtuah lovin missionary-ah kan inpe a, a nuam chinah chuan phur leh tho takin rawng kan bawl thin? Mahse, hmun nuam lo zâwka langah te dah kan nih hian kan inpekna thinlung dik tak hi a lo lang chhuak thin. Lal Isuan mipui rilţam ei tûr a pek lai te, ropui taka Jerusalem-a

chawimawi a nih laia zuitute, tuarna kawng a zawha kal bo leh ta mai kha kan ang awm hle mai. Dam chhunga, ‘a nuamah pawh, a hrehawmah pawh’ tia Lal Isua rawngbawl tûra inpe te hian kawng lakah kan kal bosan dawn nge, krawsa a thih mek lai pawha zuitu hmeichhiate ang hian, tuarna hmunah pawh rinawm takin kan zui zel dawn? Khawii thleng nge I Lal Isua hi I zui dawn le?

HRIATTIRNA

Missionary Training College-a Bachelor of Missiology (B.Miss) zir duhte tan dil theih a ni a. Zir duhte chuan Missionary Training College Office Mission Vengthlang atangin admission form leh prospectus lei theih a ni. Dilna chu February 28, 2011 thleng MTC office-ah thehluh theih a ni ang.

Zir hun chhung rei zawng : Kum thum

Dil thei chin : PUC/HSSLC passed or HSLC passed kum hnih tal mission rawngbawl na emaw, rawngbawl na dang emawa experience lo nei tawh.

Entrance Test : March 22, 2011 10:30 A.M.
Synod Conference Centre-ah.

Interview : March 24, 2011 9:30 A.M.

Sd/-

Rev. K.Lalrinkima

Principal

Missionary Training College

Mission Vengthlang, Aizawl.

PUNE-A KAN RAWNGBAWLNA

Lalhmingmawia, UBS, Pune

Kum 2007 May thla tâwp lam khan Pathian leh a Kohhranho duhsaknain M.Div. zir tûrin kan chhungkuain Pune kan pan a. Kum 3 chuang kan zir hnu hian kan zirna piah lama Pune Mizo Christian Fellowship (PMCF)-a kan rawngbawlna Ramthar chanchinbu-ah wawi khat mah ka la târlang lo hi inthiam lohna ka nei thut a, he thu hi ka rawn ziaak ta a ni.

Kan zirna hmun hi Union Biblical Seminary (UBS) a ni a; tunah hian Mizo chhungkaw thum, Synod missionary vek kan awm. Hostel-ah ECM Pastor 2 Mizo tlangval an awm ve bawk. Pathianni apiangin Pune-a Mizo awmte chu Hindustan Covenant Church inkhawmna Biak In, Phool Gate-ah kan inkhawm thin. Pune-a Mizo awmte hi a tam zawk mah Spicer Seventh Day Adventisdt College-a mi an nih avangin City-a awm hote chu kan inhre pawp thain kan inlungual a, kan inthlahlel hlawm hle. Pathian khawngaihna azarah Missioanry leh Pastor, UBS-a awm te hi tunhma atangin a khaipa kan ni chho reng thin a ni.

Rawngbawlna kan neih tawh dan leh neih mêk dan tlangpui lo târlang ila:

1. PMCF te hian Missionary kan chawm ve a, tunah tak hian mi 4 - TBZ missionary 3 leh Hindustan Covenant Church missionary 1 kan chawm bâkah Pi Lalrammawii S/N Interserve Missionary rawngbawlna Slum-ah Rs 2000/-pm-in kan tel ve a. Missionary chawm nan hian thla tin Rs 11,500/- kan theh chhuak ve a ni. Heng atan hian thla tin Pathian ram ip kan lâk khawm bâkah mi thahnemngaite'n an hlawh atanga Rs 1000/- pm an rawn thawh a ni.

2. PMCF hi Prayer Group-ah kan inthen a, Inrinni-ah kan tawngtai ho thin a, Advance Krismas kan hmang thin bawk. Prayer Group hi kan chakna hmanraw tangkai tak a ni.

3. Kum tin PMCF hian lo awm tharte pualin Fresher Welcome

programme kan siam a, a chhuak tûrte thlahna kan siam baw a, thilpêk kan pe thin. Zirlai pass tha te leh mi chungchuang Mizo tihmingtha bikte chawimawina kan pe ve ve thin baw.

4. Kum tin wawi hnih tal Mission Field tlawha zin programme kan hmang a, TBZ missionary-te awmna Ambernath kan tlawh ziah a ni. Hei bakah hian thlarau lam nun intiharh tawn tûrin Amednagar-a kan Mizo awmte nen kum tin kan tlawh thin baw Mumbai-a kan Mizo awmte kan va tlawh thin baw a, Spicer-a Mizote kan va inkhawmpui châng a awm a, anni pawhin wawi khat chu minrawn tlawh ve tawh baw.

5. Pune-a Mizo awmte kum tin wawi khat sport kan nei ve thin hi inunau nan leh inlungual nan a tangkai hle.

6. Slum Area Ministry-a thawk Pi Lalrammawii hi kum tin wawi khat tlawhin, thingpui in ho pahin inkhawmna kan va neihpui thin.

7. Krismas dawnah Slum Area leh kawng sira chêng mi retheihote thawmhnaw leh blanket te pein kan va tlawh thin.

8. Sawi tawh angin Pathianni tin kan inkhawm a. 80% hi kan inkhawm dan tlangpui a ni. Hmun hla tak aţanga inpan khawm, senso pawh sâng tak a ni chungin Pathianni hi kan nghakhlel hle thin. Inkhawm bana thingpui in ho thin te a nuam kan ti a, a changin kan fellowship ho thin baw.

9. TBZ Mission hi sum an indaih bik loh avangin kan theih tâwk tâwkin kan pui thin a. Kumin hian Rs 10,000/- chu Ramabai Biak In chei nan kan va pe a, an biak in hawnnaah kalin sana lian kan pe baw.

10. Vanarasi Mission hi kum kal ta lam khan kan tanpui ve zeuh zeuh thin.

11. Tunah hian budget Rs 4,31,000/- kan nei mêk a. A zatve vel hi missionary chawm nan, missionary tanpui nan leh va tlawh chhuah nan hman tûr a ni. Pathian zarah kan tlin thei êm ang chu maw!

12. Pune Mizo awmte pualin Biak In hmun lei nan sum kan tuak ve tan a, Rs 40,000/- lai kan ngah ve tawh nain, in hmun ram leina a to tham a,

nuaih 50 vel tal tuak kan duh si a; engtikah tak tuak ngah thei ang i maw! Lalpa thu thu a ni e.

13. Pune-a Zohnahthlâk Unau dang - Hmar, Kuki leh Zomi te nen Unau Fellowship tiin kan inzawm khawm a, inkhawm leh intlawh tawn bâkah kan sport ho thin bawk.

UBS-a Mizo zirlaite bâkah mi tangkai tak tak kan nei hlawm a. Pu A. Chhawnmawia IDES Officer hi Pune-a Mizote tan 'Pa' nih a tling tak meuh meuh a; kum 3 chhung chu a bunglow-ah Krismas leh Fellowship te kan hmang ho tawh a ni. Kumin kum tir khan a pension ve ta a, kan ui hle. A fate Pune-ah a la awmpui rih a, thla an la timuang êm êm a ni. Tin, Rev. David Lalramliana Ralte, Associate Director (Interserve) ni tûrin kum 2009 khan Synod-in a rawn dah a. Ani hian Hindi leh English a lo thiam nâl bawk a, kawng engkimah kan inngahna a ni. Pi Zosangi hi helam mi pasal nei a ni a; PMCF treasurer hmasa ber a ni a, kum tin PMCF-in sum kan tlâkchhamna lai min phuhruksaktu a ni thin a, an inah fellowship te neiin a changin

chawhlui min buatsaihsak thin bawk. Tunah awm tawh lo mah se Pu B.T.Nghinglova IPS kha kan thlamuanpui êm êm thin bawk a, kan hruaitu hlun a ni thin.

UBS zirlaite hian Week-end Ministry hman nan PMCF hi kan hmang a, member tlawh leh tawngtaihona te, damlo tlawh te kan hna a ni tlangpui. Tin, thla 7 chhunga Practical Ministry tih nan PMCF hi kan hmang bawk a, rinna chak lote khai chhuah leh tawngtaipuina te, infiamna hmang tein Mizo thalai teirawlai tûrte kan hui khawm thin.

Pune-ah hian Spicer lama kan Mizo awmte nen Pune Mizo Welfare Association (PMWA) leh Mizo Student Union Pune (MSUP) din a ni bawk a. Pune-a Mizo awm zawng zawngte chu heng pawl pahnih hmang hian kan inthlung khawm a ni.

Tawngtaipui duhte tan hengah te hian min lo hria ula kan duh hle:

1. Missionary chawmna leh Mission hna lama PMCF kan than len zel theih nan.

2. Mahni pual tûr Biak In kan neih ve theih nan.

3. T B Z R a w n g b a w l n a Maharsathra Field-a a lo than len zel theih nan.

4. Pi Lalrammawii Slum ministry tan

5. PMCF-te'n Officer lian

emaw min kilkawî tûr kan mamawh leh dawn hle.

6. Pune-a Mizo zirlaite an zirlaia an hlawhtlin nan.

RAM LAK TUR LAH CHU A LA TAM MAI SI A

(Joshua 13:1)

Rev. VL Zaithanga

Joshua hruaiin Israel fate'n Kanan ram bung hrang hrang an la zel a. Joshua chu a lo upa a, a lo tar ta hle a; ram lâk tûr lak chu a la tam hle si a.

Khawvel ram hrang hrangah Chanchin Tha hrilin, Pathian ram tizau zel tûrin Kohhrante leh Kristian Pawlte'n an theih angin an thawk zel a. Ram zau tak lâk a ni tawh a; mahse ram lâk tûr a la tam hle.

Apostolic Indian Mission chuan kum 2010 Inkhawmpui (Convention) thupui atan "RAM LAK TUR LAH CHU A LA TAM HLE SI A" tih a thlang a. Kum 1996 khan Apostolic Indian Mission hi din a ni a. India hmar lam state hrang hrangah Chanchin Tha hril hna thawkin missionary-te a ruai a. Kristian

pawl thar leh tê tak tê a ni a, a thawk tam thei lo. A theih ang erawh chuan Chanchin Tha la hril lohna ramah missionary-te tirin a thawk zel a. Missionary-te'n ringthar eng emaw zât an siam a. Ram lâk tûr a la tam hle mai! Pathian ram zau nan ram lâk zel a tum a ni.

Ni 1-4 September chhung khan Guwahati-ah "Transform Assam Congress" Kohhran pawl hrang hrang leh mission pawl hrang hrang aiawh kal khawmin, Assam ram chhunga Chanchin Thain a la thlen loh hnamte hnena Chanchin Tha hril dan tûr ngaihtuah ho a ni a; mi 100 vel

lai an kal khawm a ni.

Assam ram chhungah hian hnam chi hrang 30 vel lai Chanchin Ṭahin a la thlen loh an awm. Chung hnamte chu :-

1. **Ahom** : Ahom hnam hi Tinsukia, Lakhimpur, Dibrugarh ramah an awm. Mihring 6,40,624 an awm a, Assamese ṭawng an hmanh. An zingah Kristian sawi tham an la awm lo. 2.

Assamese Brahmin : Anni hi Kamrup, Nalbari leh Sonitpur ramah an awm. Assamese ṭawng an hmanh. Mihring 13,46,607 an awm. An zingah Kristian sawi tham an awm lo. 3.

Assamese Muslim : Anni hi Nagaon, Barpeta, Kamrup, Nalbari Bogaigaon, Dhubri, Marigaon, Golpara leh Sonitpur ramah an awm. Mihring 18,75,318 an awm. An zingah Kristian sawi tham an awm lo. 4.

Bania: Anni hi Kamrup, Nagaon, Dibrugarh, Sonitpur, Nalbari leh Dhubri ramah an awm. Assamese ṭawng an hmanh a. An zingah Kristian sawi tham an awm lo. Mihring 10,99,356 an awm. 5.

Bhuinmali : Anni hi Kamrup, Karimganj leh Cachar-ah an awm. Assamese, Hindi, Bengali

ṭawng an hmanh a. Mihring 71,976 an awm. An zingah Kristian sawi tham an awm lo.

6. **Bishnupriya** : Anni hi Cachar, Hailakandi leh Karimganj lamah te an awm. Mihring 3,00,000 an awm. Bishnupriya Manipuri ṭawng an hmanh. An zingah Kristian tlêm an awm.

7. **Deori** : Anni hi Lakhimpur, Dhemaji leh Tinsukia ramah an awm. Deori leh Assamese ṭawng an hmanh. Mihring 47,610 an awm. Kristian tlêm an awm. 8. **Ganak** : Anni hi Darrang, Kamrup, Barpeta leh Nalbari ramah te an awm.

Assamese ṭawng an hmanh. Mihring 1,08,550 an awm. An zingah Kristian sawi tham an awm lo. 9. **Gond** : Anni hi Sonitpur, Dibrugarh leh Tinsukia-ah te an awm. Oriya, Assamese leh Hindi ṭawng an hmanh. Mihring 4,06,473 an awm. An zingah Kristian sawi tham an awm lo. 10.

Ghalo Mala: Anni hi Dhubri, Barpeta leh Sonitpur ramah an awm. Mihring 77,136 an awm. Bengali leh Assamese ṭawng an hmanh. An zingah Kristian sawi tham an awm lo. 11.

Kachari Dimasa : Anni hi North Cachar leh Karbi Anglong ramah an awm. Mihring 83,213 an awm. Dimasa leh Bengali tawng an hman. An zingah Kristian tlêm an awm. 12.

Kachari Mech : Anni hi Dibrugarh, Sibsagar leh Tinsukia ramah an awm. Mihring 10,283 an awm. Assamese tawng an hman. Kristian tlêm an awm.

13. **Kaibarta :** Anni hi Nagaon, Jorhat, Kamrup, Sonitpur, Lakhimpur, Golaghat leh Cachar ramah an awm. Mihring 6,46,831 an awm. Sangha mana ei zawng an ni. Kristian sawi tham an awm lo. 14.

Kayastha: Anni hi Dibrugarh, Kamrup leh Jorhat ramah te an awm. Assamese tawng an hman Mihring 4,29,814 an awm. An zingah Kristian sawi tham an awm lo. 15. **Kharía :**

Anni hi Dibrugarh, Sonitpur leh Jorhat ramah an awm. Sadni Assamese tawng an hman. Mihring 1,24,963 an awm. An zingah Kristian sawi tham an awm lo. 16. **KURMI :** Anni hi Dibrugarh, Galaghat leh Jorhat ramah an awm. Kurmi, Assamese, Bengali leh Hindi te

an hman. Mihring 1,87,806 an awm. Kristian sawi tham an awm lo. 17. **Mahishya :**

Anni hi Nagaon, Barpeta leh Kamrup ramah an awm. Mihring 1,97,806 an awm. Kristian sawi tham an awm lo. 18. **Meitei/**

Manipuri : Anni hi Cachar, Nagaon leh Karbi Anglong ramah an awm. Mihring 1,33,934 an awm. An zingah Kristian tlêm an awm. Meitei/ Manipuri tawng an hman. 19.

Mashing : Anni hi Dhemaji, Lakhimpur leh Jorhat ramah an awm. Mihring 5,14,946 an awm. Mishing leh Assamese tawng an hman Miri hi an hming pakhat a ni. Kristian tlêm an awm. 20. **Mochi :**

Anni hi Cachar, Karimganj leh Hailakandi ramah te an awm. Mihring 98,346 an ni.

Assamese, Hindi leh Bengali tawng an hman. Kristian sawi tham an awm lo. 21. **Moran :** Tinsukia leh Dibrugarh ramah te an awm. Mihring 60,000 vel an awm. Assamese, Hindi leh English tawng an hman. Kristian sawi tham an awm lo. 22.

Namashudra : Nagaon, Kamrup, Marigaon ramah an awm. Mihring 5,97,962 an

awm. Assamese, Bengali leh Hindi an hman. Kristian sawi tham an awm lo. 23. **Nepali** : Sonitpur, Kamrup leh Dibrugarh ramah te an awm. Mihring 12,71,977 an awm. Nepali leh Hindi tawng an hman. Kristian tlem an awm. 24. **Patni** : Cachar, Hailakandi leh Karimganj lamah te an awm. Bengali tawng an hman. Mihring 1,69,275 an awm. Kristian sawi tham an awm lo. 25. **Pod** : Nagaon, Karbi Anglong leh Kamrup ramah an awm. Bengali tawng an hman. Mihring 1,11,590 an awm. Kristian sawi tham an awm lo. 26. **Shaikh** : Nagaon, Barpeta

leh Karimganj ramah an awm. Mihring 55,11,737 an awm. Bengali tawng an hman. Kristian sawi tham an awm lo. 27. **Sutradhar** : Kamrup, Bongaigaon leh Barpeta ramah an awm. Mihring 75,820 an awm. Assamese, Bengali leh English an hman. Kristian sawi tham an awm lo. 28. **Tanti** : Cachar, Dhemaji leh Nagaon ramah an awm. Mihring 73,143 an awm. Sadni Assamese tawng an hman. Kristian sawi tham an awm lo. 7. Kan member Mathew (kum 6), Pu Zarzoliana, NDA Drill Instructor fapa Leukemia (Blood Cancer) natna avanga tuna Command Hospital-a awm mêk tan.

SYNOD RAMTHAR HOSTEL-A LUT TURTE TANA HRIAT TUR THENKHATTE

I. Hostel-a awm thei tûr chin:

1) Hostel hi Home Mission leh Ramthar naupang leh thawktu fate awmna tûr a ni ber a. Seat awl a la awm chuan mi dang pawh an awm thei ang. Hostel-ah hian Synod Higher Secondary School-a lût tûrte chauh admit an ni ang a, thawktu fate erawh chu Synod HSS-a kal kher lo, School danga kalte pawh awmtir theih an ni ang.

2) Hostel-ah hian Class VIII - XII zirte an awm thei ang.

II. Admission chungchang, etc:

1) Hostel-a awm duhte chuan Form siamsa hmangin Hostel Warden hnenah dilna an thehlût ang a. Dilnaah chuan an awmna

kohhran secretary lehkhah leh **Transfer Certificate & Mark Sheet** (attested copy) chhuahsan school aṭangin; **Student Certificate** (Principal, SHSS hnen aṭangin) thil tel tûr a ni.

2) Hostel-a awm tûrte chu Management Committee-in a thlang thin a; **interview** koh thin a ni. Hun laklawha seat dilte erawh chu Warden leh Secretary, SMB-in inberawnnin an tifel thei.

3) Hostel-a awm tûrte chuan fee pêk ngaite hostel-a an luh dawnin an pe tla nghal tûr a ni. Pe tla lo chu admit theih an ni lovang. Hostel-a awm tûrte ngeiin admission hi an tifel tûr a ni a. Seat reserve theih a ni lo.

4) Hostel-a awm tûrte chu phalna an hmuh aṭanga thla khat chhunga luh ngei tûr a ni.

5) Hostel-a awmte chuan awm zui zel an duh chuan admission an dil thar zel ang a, **admission fee** pawh an pe thar zel tûr a ni. Admission tih thar hun chu Class hrang hrangte **academic year** thar zelah a ni ang.

6) Hostel-a luh hun chu School Calendar-a zirin siam thin a ni.

7) **Ken luh tûrte**: Holy Bible & Kristian Hlabu (mahni ta ngei); Chem (mipa tân), Chemkawm/

Tuthlawh (hmeichhe tân); Mutbu (Bedding/Quilt), Thosilen, Pillow, Bed sheet, Emergency Light, Tui No & Thingpui No, Jug/Water Bottle, Nihliap, Plate, Bowl & Spoon, Clip & hunger - te mahni intum tûr a ni a; **dunlop ken luh phal a ni lo.**

8) Hostel Uniform (Dekthron pawl-Mipa tân; Dekthron hring-Hmeichhe tan) chungchangah chuan hosteller-te tan a awlsam zawk nan leh thui man a tlawm zawk nan SMTC Director, Rev. F. Lalrinnunga, Mission Vengthlang, Aizawl Ph. No. 9436143502 contact tûr a ni.

III Fees, etc chungchang:

1) Fee lâk dan chu hetiang hi a ni:

(a) Admission form Rs 10.00

(b) Admission fee Rs 200.00

(c) Monthly Mess Fee

Rs 1,000.00

(d) Caution Money

Rs 300.00 (for 1 yr)

(e) Medicine fee

Rs.50.00 (for 1 yr)

(f) Room rent

Rs 100.00 (monthly)

(g) Light Charge

Rs 50.00 (monthly)

(h) Water Charge

Rs 50.00 (monthly)

Grand Total: Rs 1,760.00

2) Thla tina Fee chawi tûr belhkhawm: Rs 1200/- chiah a ni a, thla tin Ni 7 hma ngeia Warden hnenah pêk thîn tûr a ni.

3) Hosteller-te'n Fee Bu an kawl ang a, anmahni ngeiin fill up-in fee chu an pe tûr a ni.

4) Fee Bu tibo chuan Rs 10/- chawiin a dang an nei leh thei ang.

5) **Visiting Days** - Thla tin Inrinni hmasa ber, Dar 10:00 (a.m) - 1:00 (p.m) a ni.

6) Dan leh hraite hi Synod Mis-

sion Sevice Manual-a mi a theih chen chen zawm a ni.

IV Donation: Ramthar Hostel-ah hengte hi mamawh a ni a, rawngbawlnaa ngaia min pe thei awm sela tih hi kan ãawngtaina a ni e: 1) Television - 2 nos. (Mipa leh hmeichhe tân). 2) Bookshelf - 1 no. (Library atan). 3) Sintex - 1 (3000 lits). 4) Purdah - 60 mtrs. vel.

Sd/

R. Lalringliana

Warden,

Ramthar Hostel,

Mission Vengthlang.

Contact No. 0389-2317757

TRANSFER & POSTING MAK !!!

Kum thar kan lo chuangkai leh ta reng mai. Synod hnuaia rawngbawltu Pastor leh Missionary zawng zawng te, Ramthar chhungkaw member zawng zawng te Kumthar Chibai kan bûk a che u. Thênkhatte chuan awmhmun sawnin hmun thar kan pan leh sang sang ang a. Min dahna hmun apianga lungawi tûra inpeih reng

kârah hian hmun hrehawm takah min dah mai ang tih hlau rilru deuh te pawh kan awm mahna.

Khawi hmunah pawh awm mah ila, eng dang vang ni lovin Chanchin Tha avang liau

liau a ni tih hi kan chian tlat theuh chuan a tihzia khawp ang. **‘Mi tin tâ tûr Chanchin Tha lawmawm êm êm’** hi hmun ualau deuhva mite ta tûr chauh a nih miao loh avang leh, chu mi

puan chhuah chu dam chhông hnapiu atan kan lo thlan tawh tlat si avangin sawi theih kan nei tak tak lo a ni tih kan hriat theuh tawh kha.

He Chanchin Tha puan darh hna atana ke pên hmasa ber chu kan Lal Isua, hman ni lawka a piancham kan lawm tâk kha a ni a. Ani pawhin Van Lalthutthlêng ațanga puang mai lovin hetah, lei Bethlehem-ah *transfer/posting* a ni ve a. Chutah pawh kawthlêr lûn lai leh in nuam deuh pawh chang pha lovin daikilkâra ran inah a ni. Transfer & posting mak tak chu a va ni êm! A Quarters luah lah hi lei leh van Lalber luah atân chuan a chhe lulai deuh chu a ni! Electric connection lah a awm baw si lo. Tuizem leh bual in te, sitting room furniture te pakhat mah an lo dah sa baw hek lo. A awmna hmasa nen chuan a inthlau dawn mang e!

Chu-a-chhapah nausen buchip, derdêp takin bul a rawn ʔan a. A hmun hmuh chhun chu a chhiat tehlul nen a nu leh pate pawh an phun nawi ta chuang lo a niang. Rei pawh luah lum hman lovin Aigupta ramah a zân a zâna tlanchhiat a la ngai ta

lehngthal. Van ațanga leia rawn transfer chu TA & DA bill se, a tam ngawt ang. Mahse, ‘**Mi tin tâ tûr Chanchin Tha**’ rawn thlen tûra lo kal a nih angin amah leh amah a intitlâwm ta zâwk a, phun nawi hauh lovin a hna chu a thawk zui a, hnungtawlh hauh lovin a tâwp a thleng a, a hlen chhuak ta a ni. A thawh tûrah a Chiang a; kraws lam a en tlat a; thil dang - Quarters *facilities* leh *materials* lam chu a buaipui hman lo a ni ang. Chutiang chu a pawimawhzia sawi mawi chawp paha neih ʔeuh tumna a nei ta miah lo ni âwm a ni. Chu mi chu kan zuia hi a ni!

Chuvangin he khawvelah chuan kan lo ropui ta vak lo a nih pawhin kan nih dân tûr rêng a ni tih kan hriat theuh tawh kha. Kan awmna hmun te, kan Quarters te chu kan duh ang a nih chiah loh pawhin Chanchin Tha hriltu hna hi chu *mîhrîng duh dan lalna ram a ni lo* tihah hian tûn hma ang bawka kan chian tlat zel phawt chuan engkim a fel vek mai dawn lo’ m ni?

“Aw tunah hian i kal ang u,

Hmun khawhar lam chu i pan zel ang....;

Kei chu ka Lal duh, ka lunglai hnemtu,

Hmun khawharah pawh ama’n min awmpui ang.”

RAMTHAR FIELD TLAWH REPORT

1. Field hming : (1) Nepal
(2) Siliguri
 2. Khua/Mission Centre : (1) Garagali (Nepal)
(2) Naya Bosty (Nepal)
(3) Bharatpur (Nepal)
(4) Jaigaun (Sliguri)
 3. Tlawh hun chhung : August 19-27, 2010
 4. Tlawhtu Kohhran hming : Ramthar Committee,
Zarkawt Kohhran
 5. Kal zat : Mi 3 (Crusade speaker nen)
 6. Tlawh chhan : (i) Biak In hawn
(ii) Crusade
(iii) Biak In sak lai tlawh
(iv) Medical Clinic Building
hawn
 7. Hnathawh : - do -
 8. Lawmawm lam : Project list-a a târlan Garagali
: Biak In leh Medical Clinic sa Biak In hmun lei chu Project
thei leh hawng theia min Siamtu pakhata neih a ni a. Ni 20.8.2009
Pathian hnenah leh rim taka sak khan Biak In lungphum phum a
hna thawktute hnenah lawmthu ni a. Ni 2.10.2009 ațangin Biak
kan sawi a. Thawktute inpêkna In 35'x16' sa țanin, zawh fel a
leh țahnemngaihna avangin lo ni ta. Ni 21.08.2010 (11:00
Lalpa'n a ram a zauh zel ang tih AM) khan Rev.
kan beisei tlat. C.Lalramchhana, Nepal Field
 9. Report țul dangte : Biak Secretary-in hawngin hlanna a
In leh Medical Clinic hawn a nih nei a. Biak In hawn inkhawm hi
dan te leh Crusade buatsaih dan Bialtu Pastor P.C
te: Nghaklianmawia, Kakarvati-in a
kaihruai a. Upa Zionpara, Biak
In lungphum phûmtuin Thuchah
- (i) Garagali (Nepal)
- Biak In hawn: SMB-in 2009**

a sawi bâkah report leh zaipawl te ngaihthlâk a ni a. Pi Darkungi, F/S Rev. Lalramchhana nupui leh Pi Janet Lalnunhlui, P.C Nghaklianmawia, Bialtu Pastor nupuiin min hmanpui thei bawk. Inkhawm banah Biak In thar lawmna ruai hlim taka kil ho a ni. He Biak In sak nan hian a vaiin Rs 1,76,208/- hman a ni a, Zarkawt Kohhranin Rs 1,63,700/- a tum ve.

(ii) Crusade: Biak In hawn thara Crusade inkhawm hmasa ber (2:00 PM) hman hnuah a tûk 22.08.2010-a hmun danga programme nei tûrte leh riak remchang lote chu Field Secretary hovin Kakarvita-ah lêt leh a ni a. Crusade Speaker tûra SMB-a kan dil Evan. Vanlalkunga, Synod Gospel team Leader, i/c Nepali leh thawktu thenkhat leh Bial chhung kohhran member engemaw zâtin riahchilhin Crusade chu 22.08.2010 zan thlengin an hman a. Bialtu Pastor pawhin a ho tluan chhuak thei a, a lawmawm hle. Kohhranho inhmu chhuak tharin inhlan thar thahnem tak an awm a. Baptisma chang tûra beisei leh hual (Graham) pawh an awm. Sermon wawi 6 leh Bethel pro-

gramme hman a ni.

(iii) Naya Bosty (Nepal)

Biak In hawn: Ni 22.08.2009 khan helai hmun hi Field Secretary leh Bialtu Pastor kal chhuak ta Rev. Lalthanzara, Bharatpur (Mamit Bial vawng mêktu) hoin tlawh a ni a. Vanduaithlâk takin Biak In a lo kâng a, inkhawmna nei lovin an awm a. Kohhranah report pein, mi thahnemngaite aţanga thilpêk dawn bâkah Kohhran neitu leh Bial chhung Kohhranhote thahnemngaihna in Biak In 30'x15' chu sak zawh a lo ni ta a. Ni 22.08.2010 (4:15 PM) khan Rev. C. Lalramchhana, Field Secretary in a hawng. Hawnna inkhawm hi Manahari (Bial thar) Bialtu Pastor H. Lalnunmawia'n kaihruaiin, hlanna a nei a. Thusawi leh report te ngaithlain, inkhawm banah Biak In thar lawmna thingpui ruai Kohhranhovin hlim takin kan chang ho. Biak In sak nan hian Zarkawt Kohhranin Rs 60,000/- a tum ve.

(iv) Bharatpur (Nepal)

Biak In sak tlawh: SMB-in kum 2009 Project list-a a târlan, Bharatpur Biak In sak chu Project pakhatan neiin ni 22.08.2009 khan Upa

Zionpara'n lungphum a phûm a, theih ang angin sak hna thawh tan a ni. Pastor thuthmun niin Biak In lian leh tha tâwk tak sak mêk a ni a, rei lo têah hawn theih beisei a ni. Rs 6,60,000/- sên a ni tawh.

(v) Jaiguan (Siliguri)

Medical Clinic hawn: SMB-in 2010 Project list-a a târlan, kan kohhran member Evan. P.C Pachhunga leh Pi Lalrinchawii Nurse te nupa thawhna, Jaigaun Medical Clinic sak chu project pakhata neih a ni. Ni 25.06,2010

aţanga Clinic building 15'x12' sak tan chu zawh fel a ni a. Ni 25.8.2010 (9:00 AM) khan Rev. H. Lalthananga, Siliguri Filed Secretary-in a hawng a. He hun hi TBZ, CNI leh YWAM aţang tein min hmanpui thei a, kan lawm hle. A sak nan hian Rs 80,000/- sên a ni.

Report petu

R. Lalmawia

Secretary

Ramthar Committee

Zarkawt Kohhran

- | | |
|---------------------------------|---|
| 1. Field hming | : Karbi Anglong Mission Field |
| 2. Khua/Mission Centre | : Karbi Field pum pui |
| 3. Tlawh hun chhung | : Dt 10-16 Nov., 2010 |
| 4. Tlawhtu Kohhran hming | : Venghlui Prebyterian Kohhran, Aizawl |
| 5. Kal zât | : Mipa : 5, Hmeichhia : 3, Total : 8. |
| 6. Tlawh chhan | : Field Visit |
| 7. Hnathawh/thil tih | : Field-a thawktute nen Pathian thua inpawlhona |
| 8. Senso zat | : Rs 41,620/- |
| 9. Lawmawm lam | : Field- ah khuan Kross Sipai an mamawh hle a thawktute inpêkna, thahnemngaihna bâkah, zin chhuahna atan portable leh an thawh rah ringtharte kan Generator an mamawh hle a ni. hmuin a ropuiin a lawmawm hlein kan hria. Ringthar 200 vel an lo nei hi a lawmawm kan ti hle. |
| 10. Report tul dang: | Karbi Anglong- Report petu, |

Sd/

C.V.L Malsawma

Secretary,

Ramthar Committee

Venghlui Kohhran.

1. Field hming : Assam Mission Field
2. Khua/Mission Centre : Bhairabkunda
3. Tlawh hun chung : 5 - 13 Nov. 2010
4. Tlawhtu Kohhran hming : Tanhril Vengthar Kohhran
5. Kal zât : Mipa: 9, Total: 9
6. Tlawh chhan : Work Camp.
7. Hnathawh : Sapangeon Biak In chung chih leh
ventilation frame siam
8. Senso zât : Rs 32,815/-
9. Lawmawm lam : Gauhati leh Bairabkunda-a
thawktute'n min lo buaipuinaah leh tuang taka hna kan thawh theih
avangin kan lawm hle a ni.
10. Report tul dang : Kan kal lam leh haw lam tuang
lo deuh mah ila, Lalpa'n kan nunna a la zuah avangin kan lawm
hle a ni.

Report petu,

Sd/-

Zosangzuala
Work Camp Secretary,
Tanhril Vengthar Kohhran.

RAWNGBAWL NANA THILPEK PETUTE (*Chhunzawmna*)

360. *Chhiahtlang Pastor Bial Koh. Hmeichhia* - A tul apianga hman atan - Rs 5,000.00

361. *Model Veng Kohhran* -

(1) Tripura Field-a Pakhipara Biak In hmun tur lei nan
- Rs 15,000.00

(2) Jharkhand Field tan Cycle pathum lei nan - Rs 9,750.00

362. *Zarkawt Koh. Ramthar Comt.* -

(1) Siliguri Field-a Jaigaon Medical Clinic sak nan - Rs 40,000.00

(2) Arunachal 'W' Field-a Kaying Prayer Centre sak nan (Aalo Bial)
- Rs 50,000.00

(3) Lucknow Field-a Crusade neih nan - Rs 20,000.00

363. *Kawrtethawveng Pastor Bial Koh. Hmeichhia* - Ramthar rawngbawl na tul apiang atan - Rs 1,000.00

364. *Vaivakawn Koh.* - Arunachal 'W' Field atanga Hindi Bible zir turte kal man atan - Rs 5,280.00

365. *Dr. R.Lalmalsawmi, Vaivakawn* - Barak Area, Udharbond Bial Chhunga Biak In sak tanpui nan - Rs 5,000.00

366. *N.E Khawdungsei Pastor Bial Koh. Hmeichhia* - Arunachal 'W' Field-a Tato Bialin a tul apianga hman atan - Rs 5,000.00

367. *Thingdawl Kohhran* - Lucknow Field-a rawngbawl nan Bike/Scooter lei nan - Rs 15,000.00

368. *Upa H.Darkunga te chung, Suangpuilawn* -

Ramthar Field-ah a tul apianga hman atan - Rs 1,000.00

369. *Khawlian Koh. Ramthar Comt.* - Arunachal 'E' Field-a Changlang Koh. dar lei nan - Rs 5,000.00

370. *Lalpa Hmangaihte, Ramhlun 'S'* - Tripura Field Bironjoy Para Qtrs.-a dah tur syntax leina - Rs 11,000.00

371. *Bethlehem Venglai Koh.* - Arunachal 'W' Field-a Tato Kohhran Sunday School Hall sak nan - Rs 5,000.00

372. *Chanmari Kohhran* - Rev. Somlal Soren(L) fapa damlo
tanpui nan - Rs 10,000.00
373. *N. Mualcheng Koh. Ramthar Comt.* - (1) H/M 'S' Damdep II-
ah t̃ul apianga hman atan - Rs 1,500.00
(2) Karbi Field Silonijan-in t̃ul apianga an hman atan
- Rs 1,500.00
374. *Dawrpui Koh. Ramthar Comt.* - Rev Somlal Soren (L) fapa
damlo tanpui nan - Rs 20,000.00
375. *Mission Vengthlang Kohhran* - Rev. Somlal Soren (L) fapa
damlo tanpui na - Rs 20,000.00
376. *Rev. R.Lalsawta te chhung, i/c Thingdawl Pastorate* - Lucknow
Field-a Santos Kumar Rawat, Evan. Biake siam nan - Rs 5,000.00
377. *Kulikawn Koh. Ramthar Comt.* - H/M 'N-a' Teirei Kohhran
Biak In leh S.S Hall t̃hutthleng siam nan - Rs 10,000.00
378. *Khatla 'S' Koh. Ramthar Comt.* - Karbi Field Jengkha Kohhran
Biak In sak zawm nan - Rs 30,000.00
379. *Ramhlun Vengthlang Koh.* - Rev. Somlal Soren (L) fapa
damlo tanpui nan - Rs 2,000.00
380. *Durtlang Koh. Ramthar Comt.* - Tripura Field-a Kolmohan Biak In
chung t̃ur rangva lei nan - Rs 8,500.00
381. *Pu PC Laldingliana te chhung, Bungkawn-* Karbi Field-a
Hamren Pastor Bial chhung Kohhran sawh ngheh nan
- Rs 10,000.00
382. *Chanmari 'W' Kohhran* - Rev. Somlal Soren (L) fapa damlo
tanpui nan - Rs 20,000.00
383. *Pu Thanghmasaa te chhung, Dawrpui-Manipur* Field-a Mayang
Imphal Kohhran d̃ar lei nan - Rs 5,000.00
384. *Champhai Kahrwāt Koh. Ramthar Comt.* - Arunachal 'W' Field-a
Tato Biak In sak tanpui nan - Rs 10,000.00
385. *Durtlang Koh. Hmeichhia* - Tripura Field, Noagang Bial
Rithabil Kohhran PA set lei nan - Rs 10,000.00

386. *Dawrpui Koh. (Pathianni vawi-I chhung tinte sa ei ai)-*
 Arunachal 'W' Field-a Direct Evangelism hma lak nan
 - Rs 31,010.00
387. *Mission Vengthlang Koh. Ramthar Comt.*
 - (1) Arunachal 'W' Field-a Deporijo Bialin Healing
 Crusade an neih nan - Rs 80,000.00
 (2) Jharkhand Field-a Solar Lamp 8 lei nan - Rs 28,000.00
 (3) Barak Area-a Kamranga Compound hung nan - Rs 15,000.00
388. *Hnahthial Bial Koh. Hmeichhia - SMB Field-a Missionary*
 tanpui ngai tanpui nan - Rs 1,000.00
389. *Ramhlun 'N' Koh. Ramthar Comt. - Arunachal 'W' Field Pagin*
 Biak In sak leh a hmun lei nan - Rs 3,00,000.00
390. *Chaltlang Koh. Ramthar Comt. - Rev. Somlal Soren(L) fapa*
 damlo tanpuina - Rs 20,000.00
391. *Zemabawk 'N' Kohhran - Rev. Somlal Soren (L) fapa damlo*
 tanpuina - Rs 20,000.00

SYNOD BOOKROOM BOOK NEWS

1. Kohhran mamawh : Kum a lo thar a, kohhran mamawh lam khawm a hun leh ta. Thawhlawm khawna, Sakramen no, thleng, bowl, ketli, tray, hming lamna leh mamawh dang chi tinrêng Synod Bookroom-ah a awm reng e.

2. Inhlanna nung : F. Lianchhinga'n, "Zosap din kohhran theuh theuh kan inthethu thin hi Setana hlawhtlinna a va ni êm!" tih rilru pu chung a kohhran hrang hrangte inkara inpumkhatna leh thawh hona a pawimawhia a târ lanna lehkhabu hi Zoramin kan mamawh lehkhabute zinga mi a nie. Aman Rs. 100/-

3. Kristian thingthi : Kristian chhin-chhiahna pawimawh ber mai chu tawngtai hi a ni âwm e. Kan zui kan Lalpa Isua Krista hi tawngtai ngai pawimawh mi a ni a. Tawngtai ngai lo chu a hnung zuitu a ni thei lo. Korean Pastor Yongi Cho, Yaldo Full Gospel Church, kohhran member tlêm tê ațanga member nuai 7 chuang a tawngtainaa dintu lehkhabu, Malsawmdawngliana lehlin hi chhiar la, tawngtaina thiltihtheihzia lo hre ve rawh le. A man Rs. 60/-. **Mizo missionary, field-a awm mēkte'n** lo chhiar ve phâk se, a tih avangin a man hi a tlawm thei ang bera tih a ni.

Postal Regn. No. MZR/46/2009-2011
RNI Regn. No. 40380/88

From :
Manager
Ramthar, Synod Office
Aizawl - 796 001,
Mizoram, India
Phone : 2325899

RAMTHAR
(Mission)

To

*Published by Rev. Lalchuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Copies - 22,200*

Visit us : www.mizoramsynod.org